



學也。善讀者玩索而有
得焉。則終身用之有不
能盡者矣。

天命之謂性。率性之謂道。
脩道之謂教。道也者不可
須臾離也。可離非道也。是

服部文庫

117

260



故君子戒慎乎其所不睹。恐懼乎其所不聞。莫見乎
隱。莫顯乎微。故君子慎其
獨也。喜怒哀樂之未發。謂
之中。發而皆中節。謂之和。
中也者。天下之大本也。和

也者。天下之達道也。致中
和。天地位焉。萬物育焉。

右第一章。子思述所傳
之意以立言。首明道之
本原。出於天而不可易。
其實體備於已而不可

省

離。次言存養者。察之要。終言聖神功化之極。蓋欲學者於此反求諸身。而自得之。以去夫外誘之私。而充其本然之善。楊氏所謂一篇之體要。

是也。其下十章。蓋子思引夫子之言。以終此章之義。

仲尼曰。君子中庸。小人反中庸。君子之中庸也。君子而時中。小人之中庸也。

小人而無忌憚也。

右第二章

子曰中庸其至矣乎。民鮮能久矣。

右第三章

子曰道之不行也。我知之

矣。知者過之。愚者不及也。

道之不明也。我知之矣。賢

者過之。不肖者不及也。人

莫不飲食也。鮮能知味也。

右第四章

子曰道其不行矣夫。子曰

子曰

右第五章

子曰。舜其大知也。與。舜好
問。而好察。邇言。隱惡。而揚
善。執其兩端。用其中。於民
其斯以為舜乎。

右第六章

子曰。人皆曰。予知。驅而納
諸罟獲陷阱之中。而莫之
知辟也。人皆曰。予知。擇乎
中庸。而不能期月守也。

右第七章

子曰。回之為人。也。擇乎中。

庸得一善則奉奉服膺而弗失之矣。

右第八章

子曰天下國家可均也爵祿可辭也白刃可蹈也中庸不可能也。

右第九章

子路問強子曰南方之強與北方之強與抑而強與寬柔以教不報無道南方之強也君子居之衽金革死而不厭北方之強也而死而不厭。

強者居之。故君子和而不
流。強哉矯。中立而不倚。強
哉矯。國有道不變。塞焉強
哉矯。國無道至死不變。強
哉矯。

右第十章

子曰。素隱行怪。後世有迹
焉。吾弗為之矣。君子遵道
而行。半途而廢。吾弗能已矣。
君子依乎中庸。遯世不見
知。而不悔。唯聖者能之。

右第十一章

君子之道費而隱。夫婦之
愚可以與知焉。及其至也，
雖聖人亦有所不知焉。矣。
婦之不肖，可以能行焉。及
其至也，雖聖人亦者所不
能焉。天地之大也，人猶有
所憾。故君子語大，天下莫
能載焉。語小，天下莫能破
焉。詩云：鸞飛戾天，魚躍于
淵。言其上下察也。君子之
道，造端乎夫婦，及其至也，
察乎天地。

右第十二章。子思之言。蓋以申明首章道不可離之意也。其下八章雜引孔子之言以明之。

子曰。道不遠人。人之為道而遠人。不可以為道。詩云。

伐柯伐柯。其則不遠。執柯以伐柯。睨而視之。猶以為遠。故君子以人治人。改而止。忠恕違道不遠。施諸已而不願。亦勿施於人。君子之道。四丘未能一焉。所求。

乎子以事父未能也。所求
乎臣以事君未能也。所求
乎弟以事兄未能也。所求
乎朋友先施之未能也。庸
德之行。庸言之謹。有所不
足。不敢不勉。有餘不敢盡。

胡言顧行。行顧言。君子故不
慥慥爾。

右第十三章

君子素其位而行。不願乎
其外。素富貴行乎富貴。素
貧賤行乎貧賤。素夷狄行

乎夷狄。素患難行乎患難。
君子無入而不自得焉。在
在上位不陵下。在下位不
上。正己而不求於人則無
怨。天。下不尤人。故君子居
易以俟命。小人行險以徼
幸。子曰。射有似乎君子。失
諸正鵠。反求諸其身。

右第十四章

君子之道辟如行遠必自
邇。辟如登高必自卑。詩曰。
妻子好合如鼓琴琴兄弟

既翕和樂且耽宜爾室家
樂爾妻孥子曰父母其順
矣乎

右第十五章

子曰鬼神之為德其盛矣
乎視之而弗見聽之而弗
聞體物而不可遺使天下
之人齊明盛服以承祭祀
洋洋乎如在其上如在其
左右詩曰神之格思不可
度思矧可射思夫微之顯
誠之不可揜如此夫

右第十六章

子曰。舜其大孝也。與德為
聖人。尊為天子。富有四海
之內。宗廟饗之。子孫保之。
故大德必得其位。必得其
祿。必得其名。必得其壽。故

天之生物。必因其材而篤
焉。故栽者培之。傾者覆之。
詩曰。嘉樂君子。憲憲令德。
宜民宜人。受祿千天。保佑命之
自天申之。故大德者必受
命。

命右第十七章

子曰。無憂者。其惟文王乎。
以王季為父。以武王為子。
父作之。子述之。武王繼太
壹王王季文王之緒。壹戎衣
而有天下。身不失天下之

顯名。尊為天子。富有四海
之內。宗廟饗之。子孫保之。
武王末受命。周公成文武
之德。追王太王王季。上祀
先公。以天子之禮。斯禮也。
達乎諸侯。大夫及士庶人。

父為大夫子為士葬以大
夫祭以士父為士子為大
夫葬以士祭以大夫期之
喪達乎大夫三年之喪達
乎天子父母之喪無貴賤
一也

其右第十八章

子曰武王周公其達孝矣
乎夫孝者善繼人之志善
述人之事者也春秋脩其
祖廟陳其宗器設其裳衣
薦其時食宗廟之禮所以

序昭穆也。序爵所以辨貴
賤也。序事所以辨賢也。旅
酬下為上所以逮賤也。燕
毛所以序齒也。踐其位行
其禮。奏其樂。敬其所尊。愛
其所親。事死如事生。事亡
如事存。孝之至也。郊社之
禮。所以事上帝也。宗廟之
禮。所以祀乎其先也。明乎
郊社之禮。禘嘗之義。治國
其如示諸掌乎。

哀公問政。子曰：文武之政，
布在方策。其人存，則其政
舉；其人亡，則其政息。人道
敏政，地道敏樹。夫政也者，
蒲盧也。故為政在人，取人
以身，脩身以道，脩道以仁。

仁者人也。親親為大，義者宜
尊也。尊賢為大，親親之殺，賢
之等。禮所生也。在下位不
獲乎上，民不可得而治矣。
故君子不可以不脩身，思
脩身不可以不事親，思事

親。不可以不知人。思知人。不可以不知天。天下之達道五。所以行之者三。曰君臣也。父子也。夫婦也。昆弟也。朋友之交也。五者天下之達道也。知仁勇三者天下之達德也。所以行之者一也。或生而知之。或學而知之。或困而知之。及其知之。一也。或安而行之。或利而行之。或勉強而行之。及其成功。一也。子曰。好學近

乎知力行近乎仁知恥近
乎勇知斯三者則知所以
脩身知所以脩身則知所
以治人知所以治人則知
所以治天下國家矣凡為
天下國家有九經曰脩身
也尊賢也親親也敬大臣
也體羣臣也子庶民也來
百工也柔遠人也懷諸侯
也脩身則道立尊賢則不
惑親親則諸父昆弟不怨
敬大臣則不眩體羣臣則

士之報禮重子庶民則百
姓勸來百工則財用足柔
遠人則四方歸之懷諸侯
則天下臬之齊明盛服非
禮不動所以脩身也去譏
遠色賤貨而貴德所以護

賢也尊其位重其祿同其
好惡所以勸親親也官盛
任使所以勸大臣也忠信
重祿所以勸士也時使薄
歛所以勸百姓也日省月
誡既稟稱事所以勸百工

也。送往迎來嘉善而矜不
能所以柔遠人也。繼絕世
舉廢國治亂持危朝聘以
時厚往而薄來所以懷諸
侯也。凡為天下國家有九
經所以行之者一也。凡事

豫則立，不豫則廢。言前定則不
跲，事前定則不困，行前定
則不疚，道前定則不窮。在
下位不獲乎上，民不可得
而治矣。獲乎上有道不信
乎朋友，不獲乎上矣。信乎

朋友有道不順乎親不信
乎朋友矣順乎親有道反
諸身不誠不順乎親矣誠
身有道不明乎善不誠乎
身矣誠者天之道也誠之
者人之道也誠者不勉而

中不思而得從容中道聖
人也誠之者擇善而固執
之者也博學之審問之慎
思之明辨之篤行之有弗
弗學學之弗能措也弗有弗問
問之弗知弗措也弗有弗思

思之弗得弗措也。有弗辨
辨之弗明弗措也。有弗行
行之弗篤弗措也。人一能
之已百之人十能之已千
之果能此道矣。雖愚必明
雖柔必強。

右第二十章

自誠明謂之性。自明誠謂
之教。誠則明矣。明則誠矣。
右第二十一章。子思承
上章夫子天道人道之
意而立言也。自此以下

十二章皆子思之圖言
以反覆推明此章之意
唯天下至誠為能盡其性
能盡其性則能盡人之性
能盡人之性則能盡物之
性能盡物之性則可以贊
天地之化育可以贊天地
之化育則可以與天地參
矣

右第二十二章

其次致曲曲則能
有誠誠則形形則著
著則明明明則動

動則變變則化唯天下至誠為能化

右第二十三章也

至誠之道可以前知國家將興必有禎祥國家將亡必有妖孽見乎蓍龜動乎

四體禍福將至善必先知之不善必先知之故至誠

如神

右第二十四章

誠者自成也而道自道也誠者物之終始不誠無物

是故君子誠之為貴誠者
非自成己而已也所以成
物也成己仁也成物知也
性之德也合內外之道也
故時措之宜也

一本作外
內

四 卷第二十五章

故至誠無息不息則久久
則徵徵則悠遠悠遠則博
厚博厚則高明博厚所以
載物也高明所以覆物也
悠久所以成物也博厚配
地高明配天悠久無疆如

此者不見而章不動而變
無為而成天地之道可一
言而盡也其為物不貳則
其生物不測天地之道博
也厚也高也明也悠也久
也今夫天斯昭昭之多及
其無窮也日月星辰繫焉
萬物覆焉今夫地一撮土
之多及其廣厚載華嶽而
不重振河海而不洩萬物
載焉今夫山一卷石之多
及其廣大艸木生之禽獸

藏居之寶藏與焉今夫水一
勺之多及其不測龜蠃蛟
龍魚鼈生焉貨財殖焉詩
云維天之命於穆不已蓋
曰天之所以為天也於乎
不顯文王之德之純蓋曰
不已

右第二十六章

大哉聖人之道洋洋乎發
育萬物峻極于天優優太
哉禮儀三百威儀三千待

後其人而緩行。故曰苟不至
德至道不凝焉。故君子尊
德性而道問學。致廣大而
盡精微。極高明而道中庸。
溫故而知新。敦厚以崇禮。
是故居上不驕。為下不倍。

言國有道其足以興國無道
其默足以容。詩曰既明且
哲以保其身。其此之謂與。

右第二十七章

子曰愚而好自用賤而好
自專生乎今之世反古之

道如此者哉及其身者也
非天子不議禮不制度不
考文今天天下車同軌書同
文行同倫雖有其位苟無
其德不敢作禮樂焉雖有
其德苟無其位亦不敢作
禮樂焉子曰吾說夏禮杞
不足徵也吾學般禮有宋
存焉吾學周禮今用之吾
從周

右第二十八章

王天下有三重焉其寡過

矣乎上焉者雖善無徵無徵不
信不信民弗從下焉者雖
善不尊不尊不信不信民
弗從故君子之道本諸身
徵諸庶民考諸王王而不
繆建諸天地而不悖質諸
鬼神而無疑百世以俟聖
人而不惑質諸鬼神而無
疑知天也百世以俟聖人
而不惑知人也。是故君子
動而世為天下道行而世
為天下法言而世為天下

則遠之則有望近之則不
厭詩曰在彼無惡在此無
射庶幾夙夜以永終譽君
子未有不如此而蚤有譽
於天下者也

右第二十九章

仲尼祖述堯舜憲章文武
上律天時下襲水土辟如
天地之無不持載無不覆
疇辟如四時之錯行如日
月之代明萬物並育而不
相害道並行而不相悖小

德川流大德敦化此天地
之所以為大也

右第三十章

唯天下至聖為能聰明睿
知足以有臨也寬裕溫柔
足以有容也發強剛毅足
以有執也齊莊中正足以
有敬也文理密察足以有
別也溥博淵泉而時出之
溥博如天淵泉如淵見而
民莫不敬言而民莫不信
行而民莫不說是以聲名

洋溢乎中國施及蠻貊舟
車所至人力所通天之所
覆地之所載日月所照霜
露所隊凡有血氣者莫不
尊親故曰配天

右第三十一章

唯天下至誠為能經綸天
下之大經立天下之大本
知天地之化育夫焉有所
倚肫肫其仁淵淵其淵浩
浩其天苟不固聰明聖知
達天德者其孰能知之

右第三十二章

詩曰衣錦尚絀惡其文之
著也故君子之道闇然而
日章小人之道的然而日
亡君子之道淡而不厭簡
而文溫而理知遠之近知
風之自知微之顯可與人
德矣詩云潛雖伏矣亦孔
之昭故君子內省不疚無
惡於志君子之所不可及
者其唯人之所不見乎詩
云相在爾室尚不愧于屋

漏故君子不動而敬不言
而信詩曰奏假無言時靡
有爭是故君子不賞而民
勸不怒而民威於鈇鉞詩
曰不顯惟德百辟其刑之
是故君子篤恭而天下平
詩云予懷明德不大聲以
色子曰聲色之於以化民
末也詩曰德輶如毛毛猶
有倫上天之載無聲無臭
至矣。

右第三十三章子思因

後

前章極致之言。反求其本。復自下學為己。謹獨之事。推而言之。以馴致乎篤恭。而天下平之盛。又贊其妙。至於無聲無臭。而從己焉。蓋舉一篇